

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj:01-02-9379/21
Sarajevo, 09.06.2021. godine

OPĆINA NOVI GRAD SARAJEVO

OPĆINSKI NAČELNIK

PREDMET: Vijećnička pitanja i inicijative, dostavlja se

Na 4. radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

a) Vijećničke inicijative

-vijećnik Vernes Čosić-

1.INICIJATIVA ZA POSTAVLJANJE INKLUZIVNOG PARK U CENTRU SAFET ZAJKO

Obrazloženje prijedloga inicijative: Većina djece s poteškoćama u razvoju mogu pravilnom brigom zajednice, odgojem i obrazovanjem, koje na primjeren način vodi računa o njihovim potrebama, postati u potpunosti sposobni za ravnopravno sudjelovanje u svakodnevnim aktivnostima. Inkluzivni park bi pružio jednake mogućnosti za igru svoj djeci. Realizacijom ove inicijative postiglo bi se nekoliko stvari. Prvo ohrabрили bi se mnogi roditelji ove djece da ih dovode u Centar. Postojanjem ovog Inkluzivnog parka stvarao bi se među djecom odnos koji se temelji na uvažavanju različitosti potreba i mogućnosti, tebi im se omogućilo upoznavanje kroz najvažniji oblik socijalizacije djece – igrom. Svakako, ovo bi bio i način razbijanja predrasuda koji vladaju u našem društvu o njima.

2. INICIJATIVA ZA IZGRADNJU STREET WORK OUT PARKA NA DOBRINI 3 UZ KORITO RIJEKE DOBRINJE

Obrazloženje prijedloga inicijative:Street workout je relativno novi način vježbanja koji se oslanja na materijale pronađene u okruženju i igralištima. Ukratko, street workout je kombinacija gimnastike i akrobatike na otvorenom ili zatvorenom prostoru, prilikom čega se koriste elementi već postavljeni u prostoru – šipke i sprave u parkovima, igralištima i na drugim lokacijama. Glavne karakteristike i benefit ovog sporta je to da je vrlo efikasan za čovjekovu muskulaturu, zglobove i tetive, te da ga krasi izuzetna atraktivnost. Promocijom street workouta želi se uključiti i potaknuti sve ljude da kvalitetno provode slobodno vrijeme, vježbaju i rade na sebi. Street workout nije samo vježbanje već i životni stil ljudi uključenih u inicijativu. Cilj street workouta je sportski život, tolerancija, družanje i upoznavanje novih ljudi bez obzira na godine, a prije svega bez alkohola, droge i nasilja.

-vijećnik Almir Džindo-

1.Zadužuje se Služba za urbanizam, stambene, imovinsko-pravne, geodetske poslove i katastar nekretnina da Općinskom vijeću dostavi spisak svih nerješениh predmeta legalizacije bespravno izgrađenih objekata sagrađenih prije 5.4.1992. godine i objekte sagrađene nakon 5.4.1992. godine, čije je rješavanje u toku. Navedeni spisak treba da sadrži podatke o imenu i prezimenu investitora, broju predmeta sa datumom podnošenja zahtjeva za legalizaciju, adresa gdje se objekat nalazi, namjena objekta, te izjašnjenje Službe koji su razlozi za ne rješavanje predmeta.

2. Zadužuje se Služba za urbanizam, stambene, imovinsko-pravne, geodetske poslove i katastar nekretnina da Općinskom vijeću dostavi spisak svih predmeta legalizacije bespravno izgrađenih objekata za koje je donesen Zaključak o prekidu postupka zbog rješavanja prethodnog pitanja i to za

sve predmete koji se nalaze u Službi ili eventualno na privremenom čuvanju u arhivi jedinstvenog općinskog organa uprave. Navedeni spisak treba da sadrži podatke o imenu i prezimenu investitora, broju predmeta sa datumom podnošenja zahtjeva za legalizaciju, adresa gdje se objekat nalazi, namjena objekta, datum donošenja Zaključka o prekidu postupka sa tačno navedenim razlozima za prekid postupka konkretno za svaki slučaj(ako je prethodno pitanje usvajanje Regulacionog plana navesti tačno o kojem regulacionom planu se radi i sl.) te izjašnjenje Službe koji su razlozi za ne pokretanje postupka tamo gdje je u međuvremenu riješeno prethodno pitanje (usvojen Regulacioni plan koji je bio osnov za donošenje Zaključka o prekidu postupka i sl.).

3. Rok za dostavu spiska je 30 dana od dana usvajanja ove Inicijative.“

II – O ovoj Inicijativi tražim da se izjasni Općinski načelnik i Općinsko vijeće

O B R A Z L O Ž E N J E

U svom radu kao vijećnik susreo sam se sa našim građanima koji su me informisali da im se zahtjevi za legalizaciju sporo riješavaju . Također sam došao do podatka da je Služba tamo gdje je prekinula postupak legalizacije do usvajanja Regulacionog plana nije nastavila postupak, niti je obavijestila investitore da mogu podnijeti zahtjev za nastavak postupka za legalizaciju, tamo gdje je u međuvremenu usvojen Regulacioni plan. Ukoliko se ovo pokaže kao tačno, nakon što dobijemo navedeni spisak, tražit ću naknadno da se Služba zaduži da, po svim Zaključcima o prekidu postupka zbog prethodnog pitanja a gdje je to prethodno pitanje riješeno, pošalje obavijesti podnosiocima zahtjeva da mogu nastaviti svoj postupak legalizacije i da se spisak svih investitora sa pozivom za nastavak postupka objavi na web stranici Općine.

2. Formiranje privremenog radnog tjela – Komisije za sigurnost.

O B R A Z L O Ž E N J E

Svjesni smo činjenica o trenutnoj općoj sigurnosti građana na području Općine Novi Grad Sarajevo. Naime, moramo znati da koliko god sigurnosna situacija bude povoljna ili zadovoljavajuća konstantno je potrebno vršiti neophodne aktivnosti i korake na očuvanju i poboljšanju iste, a sve kako bi naši građani bili sigurni u svim sferama svog života odnosno kako bi se olakšao i poboljšao svakodnevni život na našoj Općini Novi Grad Sarajevo.

Posebno ističem da smatram da bi formiranjem gore navedenog radnog tijela i aktivnim radom istog došlo do značajnog doprinosa općoj sigurnosti građana.

Ovim putem, a u sklopu moje inicijative, predlažem nadležnosti radnog tijela - komisije, a saglasan sam da se može izvršiti i dopuna istih od strane kolega drugih vijećnika.

Osnovni zadatak navedene komisije bio bi koordinacija Komisije između Općinskog vijeća Novi Grad Sarajevo, Četvrtne policijske uprave, Službe civilne zaštite Općine Novi Grad, Službe za inspekcijske poslove Općine Novi Grad Sarajevo, Veterinarske stanice, Savjeta MZ i drugih službi i organa koje u svom radu imaju vezu sa sigurnosti.

Komisija za sigurnost bi trebala da ima sljedeće nadležnosti, kako slijedi:

- ostvaruje saradnju sa nadležnim policijskim i drugim organima o pitanjima u vezi sa sigurnosti;
- jednom mjesečno razmatra stanje kriminaliteta, javnog reda i mira i saobraćaja na području Općine Novi Grad Sarajevo, a na osnovu dostavljenih informacija Četvrtne policijske uprave ovoj komisiji;
- jednom mjesečno razmatra stanje u vezi sa problemima maloljetničke delikvencije, sigurnosti učenika, prosjačenja i drugih devijantnih ponašanja, migrantske krize, neregistrovanih i napuštenih motornih vozila, pasa lualica, i drugih problema u vezi sa sigurnosti;
- razmatra vijećničke inicijative i pitanja postavljena na sjednici Općinskog vijeća iz oblasti kriminaliteta, javnog reda i mira i saobraćaja i drugih pitanja koje su u vezi sa sigurnosti;
- analizira stanje u oblasti kriminaliteta, javnog reda i mira i saobraćaja i drugih pitanja koje su u vezi sa sigurnosti, te podnosi Općinskom vijeću prijedloge u vezi sa istim;

- dostavlja Općinskom vijeću najmanje jednom godišnje Izvještaj o svom radu sa prijedlogom mjera;
- razmatra i daje primjedbe i sugestije o propisima kojim se reguliše oblast koja obuhvata djelokrug rada ove komisije i pokreće inicijative za izmjenom i dopunom propisa iz ove oblasti;
- u svom radu može zatražiti informacije i dokumente od nadležnih organa i institucija u cilju sagledavanja problematike sigurnosti;
- obavlja i druge poslove iz djelokruga svog rada.

Tražim da se o ovoj inicijativi izjasni Općinsko vijeće na narednoj sjednici.

-vijećnik Abel Baltić -

1.Upućujem Općinskom načelniku vijećničko pitanje vezano za nenavjaljeno uklanjanje univerzalne plastične podloge na terenu za košarku u ulici Šefika Dorića u Aerodromskom naselju te tražim odgovor zbog čega je ploha uklonjena I prebačena u Centar Safet Zajko?

2. Pokrećem inicijativu da se u ulici Esada Pašalića prema ulicu Nurije Pozderca postave ležeći policajci.

Obrazloženje: S obzirom da je u toku zatvaranje bulevara na Dobrinji, sporedne ulice postaju saobraćajnice za dostavna vozila. U ulici Esada Pašalića, svi stanovnici ulaza izlazit će direktno na ulicu, čime je direktno ugrožena sigurnost stanara, a posebno djece. Stanari se veće žale na brzu vožnju dostavnih vozila, te e jedino postavljanjem visočijih ležećih policajaca može spriječiti problem.

-vijećnica Maja Muftić Dedović-

1.U skladu sa zahtjevima građana iz naselja Boljakov Potok iniciram asfaltiranje i postavljanje branika u kraku ulice Smaila Šikala od broja 87-95 (cca 30m).

2. U skladu sa zahtjevima građana MZ Naselje heroja Sokolje iniciram postavljanje saobraćajnog konveksnog ogledala na spoj ulica Safeta Zajke i Porodice Prašević zbog bolje preglednosti i sigurnosti u sabračaju.

3. U skladu sa zahtjevima građana iniciram izmjene i dopune Pravilnika o stipendiranju učenika i studenata sa područja Općine Novi Grad Sarajevo, tako da i pored socijalnih kategorija imamo i stipendije za naše nadarene učenike i studente neovisno o njihovoj materijalnoj situaciji.

-vijećnik Adi Škaljić-

1.Upućujem vijećničku inicijativu za postavljanje usporivača brzine kretanja vozila u ulici Senada Mandića Dende i Teheranskom trgu.

OBRAZLOŽENJE: Nedavna akcija sankcionisanja vozača nepropisno parkiranih vozila na Tegeranskom trgu i u ulici Senada Mandića-Dende urodila je plodom. Građanke i građani ovih ulica su oduševljeni rezultatima, a mnogi od njih po prvi put vide svoje naselje bez stotina nepropisno parkiranih automobila. Ipak, neki su nedostatak istih iskoristili kako bi ove ulice pretvorili u pistu za testiranje brzine svojih četveronožnih ljubimaca. Zbog toga je sigurnost stanovnika gornjeg dijela Saraj polja ugrožena. Postavljanjem usporivača (ležećih policajaca) udaljenih stotinu metara, kamikaze u sportskim automobilima bile bi osujećene. Molim vas da što hitrije realizirate ovu inicijativu i zaštitite život i zdravlje naših građanki i građana.

2. Upućujem vijećničku inicijativu za redovito sankcionisanje vozača i hitno uklanjanje nepropisno parkiranih vozila na Trgu Barcelone i obližnjim požarnim putevima u Olimpijskom selu.

OBRAZLOŽENJE: Olimpijsko selo je jedno od rijetkih naselja koje se može pohvaliti suficitom parking mjesta. Unatoč tome, a usljed lijenosti i bezobzirnosti pojedinih vozača, konstatno vidamo vozila parkirana na samom trgu ili, još opasnije, na obližnjim putevima koji služe za pristup vatrogasnim vozilima. Molim sve nadležne da daju maksimum napora da se ovakve

necivilizacijske pojave istrijebe iz naše zajednice. Nešto slično je, na oduševljenje građanki i građana, već učinjeno na Teheranskom trgu u naselju Saraj polje.

3. Upućujem vijećničku inicijativu za hitno zatravljanje i postavljanje mobilijara u vidu dječijeg igrališta i sadnica ukrasnog drveća na zelenoj površini između ulica Dobrinjske bolnice i Omladinskih radnih brigada na Dobrinji.

O B R A Z L O Ž E N J E Rezultat nedavnog neuspješnog pokušaja izgradnje parkirališta je bagerima devastirana zelenopovršina. Smatram da bi investitor prekinutih radova morao u najmanju ruku površinu vratiti uprijašnje stanje. Međutim, zašto se time zadovoljiti? Ova lokacija je savršena za kreiranje parkovske površine sa fontanom, parkom za djecu, ukrasnim drvećem i klupama za sjedenje. Općina Novi Grad Sarajevo ima priliku trajno popraviti narušeni imidž kod opravdano ljutih stanovnika ovog dijela Dobrinje. Molim vas da to i učinimo.

4. Upućujem inicijativu za adekvatnu iluminaciju dječijeg igrališta/parka na Alipašinom polju – C-faza.

O B R A Z L O Ž E N J E U toku prošle godine izvršena je djelimična rekonstrukcija dječijih i sportskih igralista u C fazi Alipačino polje. Tada je urađena rekonstrukcija parka za najmlađe i rekonstrukcija sportskog igrališta. Stubovi ulične rasvjete na tom području su niski i često su na meti vandala i neodgovornih građana, te se često dešava da rasvijeta nije u funkciji, te su park i igralište u potpunom mraku (u prilogu fotografija). U cilju povećanju sigurnosti građana, poboljšanja uslova življenja te očuvanja pomenitih rekonstruisanih igrališta, podnosim inicijativu da se na ovom prostoru izvrši zamjena postojeće rasvjete postavljanjem reflektora ili led rasvjete.

5. Upućujem vijećničku inicijativu za odvajanje adekvatnog prostora unutar Centra Safet Zajko ili Park šume Mojnilo i unutar istog uspostavljanje terapijskog centra sa uslugom terapija uz pomoć životinja.

O B R A Z L O Ž E N J E Ova metoda se pokazala kao uspješan model u savremenoj terapiji djece i odraslih sa posebnim potrebama, penzionera, osoba sa postraumatskim sindromom, traumatiziranih osoba, djece sa edukativnim poteškoćama, delikvenata i osuđenika. Inicijalna ideja je rješavanje pitanja napuštenih i ugroženih mačaka prvenstveno u Sarajevu i okolici kroz izgradnju Centra za prihvatanje, rehabilitaciju, dresuru, udomljavanje, obuku i pružanje terapije. Centar bi nudio kapacitete menadžmenta i stručnog osoblja, smještaja mačaka, ambulantu i stručnu pomoć. Na ovaj način Općina i Javno preduzeće Lokom bi mogli uraditi dvije korisne i humane stvari odjednom – ponuditi dom napuštenim životinjama, te omogućiti terapije kroz druženje sa umiljatim macama. Nosilac ove ideje, ali i vlasnik kompletnog know-howa je fondacija „se2nd“, koja je registrirana na području naše općine. Ukoliko nadležni prepoznaju potencijal ove inicijative, rado bih ih spojio sa nosiocem ideje.

6. Upućujem vijećničku inicijativu za izgradnju parka/igrališta za djecu na postojećoj zelenoj površini na Dobrinji 5.

O B R A Z L O Ž E N J E Zelena površina, na kojoj trenutno nema nikakvih sadržaja, mogla bi se obogatiti igralištem za naše najmlađe sugrađanke i sugrađane. Budžet Općine Novi Grad Sarajevo u mogućnosti je podnijeti nekoliko sadržaja za najmlađe kao što su ljuljačka, klackalica, tobogan isl. U cilju maksimiziranja njihove sigurnosti ovo igralište bilo bi neophodno ograditi. Na fotografijama ispod je zelena površina na kojoj iniciram izgradnju igrališta za djecu.

7. Upućujem vijećničku inicijativu za izgradnju pješačke staze do Park šume Mojnilo iz pravca Dobrinje i finansijsku podršku za uređenje bašta urbane poljoprivrede uz ulicu Želimira Vidovića Kelija.

O B R A Z L O Ž E N J E: Park šuma Mojnilo ima sve preduslove da postane lijepo i popularno izletišta stanovnika naše općine. Prije svega, njena pozicija je u središtu visokourbanizovanog dijela grada i općine. Dalje, ambijent koji Park šuma Mojnilo pruža je sušta suprotnost mješavine betona i asfalta koja dominira novogradskim naseljima. Takvu oazu mira i zelenila neophodno je približiti stanovništvu Općine Novi Grad. Da bi to uradili moramo im obezbijediti siguran pristup izletištu. Predlažem da općina obezbijedi sredstva za izgradnju pješačke staze iz pravca Dobrinje, koja bi kretala od trolejbuske stanice kod zgrada „OKI“. Pješačka staza bi trebala sadržavati trim

stazu, markaciju, klupe za odmor i kante za otpadke. Puštanjem u funkciju ove staze, povećao bi se broj posjetilaca, a time i broj sadržaja koji Park šuma nudi. Lijepo izletišta nema svrhu ako mu građanke i građani nemaju normalan pristup.

Također, predlažem pokretanje uređenja bašta na padinama Mojmiro brda uz ulicu Želimira Vidovića Kelija. Urbana agrikultura je projekat koji Naša stranka promovira, ali smatram da treba raditi na vizuelnoj prezentaciji, jer trenutno stanje ovih bašta je krajnje nereprezentativno.

8. Da li je tačno da je u Prijedorskoj ulici na lokalitetu prekoputa Otoka Shopping centra planirana izgradnja poslovnog objekta?

OBRAZLOŽENJE Prenosim pitanje zainteresiranih građanki i građana Mjesne zajednice Otoka te molim nadležne da odgovore u što kraćem mogućem roku.

9. Upućujem vijećničku inicijativu za obnovu terena za odbojku na pijesku u naselju Dobrinja 2.

OBRAZLOŽENJE Molim nadležnu službu da razmotri mogućnost obnove terena za odbojku na pijesku u naselju Dobrinja 2 (u Ulici Omladinskih radnih brigada, u blizini Igrališta djece Dobrinje), koje je zapušteno i trenutno ne odgovara svojoj prvobitnoj namjeni (u prilogu fotografije 1 i 2). Poznato je da je naselje Dobrinja iznjedrilo veliki broj kvalitetnih odbojkaša, reprezentativaca Bosne i Hercegovine i uvijek je važno za odbojkaško naselje. Na navedenoj lokaciji, predlažem obnovu odbojkaškog terena na sljedeći način: obnova podloge (sa novim količinama pijeska i iscertavanje terena), obnova trenutnih držača za mrežu (farbanje postojećih ili zamjena novim), nabavku kvalitetne odbojkaške mreže (teže uništive) te ograđivanje terena. Na ovaj način bismo naselju Dobrinja vratili stari sjaj odbojkaškog naselja te animirali nove naraštaje, unaprijedili njihov razvoj te potencijalno otkrili nove buduće aktivne sportiste i reprezentativce Bosne i Hercegovine.

10. Upućujem vijećničku inicijativu za izgradnju paralelnog parkirališta sa jedne i šetališta s biciklističkom stazom sa druge strane ulice Aleja Lipa (od raskrsnice sa ulicom Milana Preloga do slastičarne Azzuro).

OBRAZLOŽENJE Krak ulice Aleja lipa koji pripada Općini Novi Grad Sarajevo već odavno nema jasno definisanu funkciju. Radi li se o saobraćajnici, parkingu ili šetalištu?

S obzirom da ova ulica sve više podsjeća na divlji parking, nije jasno kakva je njena dugoročna sudbina. Gore predloženim načinom rekonstrukcije neće se dodatno opteretiti parkirališta u naselju, a pješacima i biciklistima će biti omogućene sigurna i ugodna šetnja i vožnja.

11. Upućujem vijećničku inicijativu za obezbjeđivanje adekvatnog prostora za rad Udruženja „Zlatni kist“, koje, sa ciljem poticanja kreativnosti i timskog rada, učenja i socijalizacije, provodi terapijskokreativni program za osobe sa invaliditetom.

OBRAZLOŽENJE Udruženje „Zlatni kist“ već duže od tri godine djeluje na području naše općine. Svoje ciljeve i djelatnosti ovo udruženje ostvaruje kroz različite terapijsko-kreativne radionice koje se sastoje od ukrašavanja predmeta upotrebom različitih pomagala kao što su: tečno staklo, metal, čipka, akrilne boje, reljefne paste i slično. Ciljevi i zadaci udruženja su provođenje terapijsko-kreativnog programa, razvijanje solidarnosti među članovima, socijalizacija, druženje i razmjene iskustava kroz rad, organizovanje izložbi, bazara i sajмова. Kako bi osigurali normalan rad udruženju posvećenom zdravstveno ugroženim sugrađankama i sugrađanima, Općina Novi Grad Sarajevo bi mogla da ponudi osigura adekvatan i lako dostupan poslovni prostor (u prizemlju). Nadam se da će oni kojima se ova inicijativa upućuje shvatiti općedruštvenu važnost djelatnosti kojom se vrijedni i predani ljudi iz „Zlatnog kista“ bave.

12. Upućujem vijećničku inicijativu za otvaranje drive-in ljetnog kina (kina na otvorenom) na jednom od pogodnih lokaliteta na području naše općine.

OBRAZLOŽENJE Kako ćemo očito većinu društvenih aktivnosti i ovoga ljeta biti primorani otkazati, kina na otvorenom su pogodan način za zabavu, uz održavanje socijalne distance izvan naših domova. Neminovnost je da drive-in kina i vanjske projekcije ponovno dobiju na važnosti. Općina Novi Grad Sarajevo ima nekoliko adekvatnih prostora za ovu vrstu zabave. Prostor parkinga na istočnom ulazu u Olimpijsko naselje ili prostor pored zgrade BHRT-a, Federalne televizije i TVSA nameću se kao moguća rješenja. Drive-in kino moglo bi biti pravi hit ovoga ljeta, te pozivam načelnika i općinske službe da ozbiljno razmotre ovaj prijedlog.

13. Upućujem vijećničku inicijativu za hitno postavljanje fizičke barijere za prolaz automobila na lokaciji raskrsnice ulica Senada Poturka Senčija i Bulevara branilaca Dobrinje (fotografija raskrsnice i Google maps mapa na sljedećoj stranici).

OBRAZLOŽENJE: Na pomenutoj raskrsnici iz pravca Gimnazije Dobrinja motorna vozila skreću u zabranu - jednosmjernu ulicu (Bulevar) te se kreću pješačkom stazom kako bi došli do nedavno obnovljene zgrade u ulici Salke Lagumdžije, iako imaju omogućen prilaz zgradi s druge strane, iz Ulice Braće Mulić. Ovaj prelaz svakodnevno koristi veći broj djece iz Ulice Senada Poturka Senčija koja pohađaju osnovne škole Skender Kulenović i Osman Nuri Hadžić, a među njima ima i djece s poteškoćama u razvoju. Također, u ulici Senada Poturka Senčija nalazi se veći broj novoizgrađenih stambenih objekata čiji stanari koriste ovaj prelazi i svakodnevno bivaju izloženi ovoj neugodnosti, kada se moraju sklanjati sa trotoara.

14. Upućujem vijećničku inicijativu za rekonstrukciju potpornog zida uz ulicu Sulejmana Pačariza (fotografija lokaliteta u nastavku teksta).

OBRAZLOŽENJE Potporni zid u gore pomenutoj ulici je u katastrofalnom stanju. Kroz isti prolaze instalacije plina, vode i kanalizacije. S obzirom na stanje u kojem se nalazi, postoji izvjesna mogućnost urušavanja što bi sa sobom nosilo i mnoge dodatne probleme. Molim nadležne Općine Novi Grad Sarajevo da u saradnji sa drugim nivoima vlasti koji u ovom slučaju imaju nadležnost, naprave plan brze rekonstrukcije, kako bi se izbjegle neželjene posljedice po zdravlje i kvalitet života stanovnika ove ulice.

-Vijećnica Edita Šandal-

1. Podnosim vijećničku inicijativu za saniranje oštećenja u ulici Briješće brdo od okretaljke do džamije Briješće brdo tačnije dijelom ulice kojoj se saobraća kombi Stup-Sokolje.

2. Podnosim inicijativu za postavljanje sfernog ogledala u ulici Brezanska br.86. U ovoj ulici nalazi se oštra krivina koja je nepregledna za vozače, a posebno je nesigurna za veliki broj djece koja žive u ovoj ulici.

-vijećnica Enisa Spahić-

INICIJATIVU ZA DOSTAVLJANJE INFORMACIJE O ZDRAVSTVENOM SAVJETU OPĆINE NOVI GRAD SARAJEVO

Obrazloženje prijedloga inicijative:Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), člana 65. i 66. Zakona o pravima, obavezama i odgovornostima pacijenata („Službene novine Federacije BiH“, broj 40/10), člana 14. Zakona o zdravstvenoj zaštiti („Službene novine Federacije BiH“, broj 41/10 i 75/13), člana 33. Statuta Općine Novi Grad Sarajevo („Službene novine Kantona Sarajevo“, broj 30/09 i 2/17) i člana 4. Odluke o osnivanju Zdravstvenog savjeta Općine Novi Grad Sarajevo („Službene novine Kantona Sarajevo“, broj 45/19),

Javni poziv za izbor i imenovanje članova Zdravstvenog savjeta Općine Novi Grad Sarajevo objavljen je 13.02.2020.godine u cilju ostvarivanja i unapređivanja prava pacijenata kao, društvene brige za zdravlje na području naše općine i poboljšanje dostupnosti i kvaliteta zdravstvene zaštite. Zdravstveni savjet podnosi Općinskom vijeću i kantonalnom ministarstvu godišnji izvještaj o svom radu.

Molim da mi se dostavi informacija: Da li je imenovan Zdravstveni savjet Općine Novi Grad, ako nije zašto nije i u kojoj je fazi imenovanje? Ako jeste, da u narednom periodu dostavi Općinskom vijeću informaciju ili izvještaj o svom radu.

2. INICIJATIVU ZA PREVENTIVNU SISTEMATSKU DEZINFEKCIJU, DEZINSEKCIJU, DERATIZACIJU I POSTAVLJANJE REPELENTA

Obrazloženje prijedloga inicijative: Na molbu većeg broja građana, sada kada postaje sve toplije, puno života, postoji opravdan strah naših građana od moguće zaraze. Zbog toga tražim od nadležnih službi da poduzmu neophodne, preventivne mjere i što hitnije pristupe sistematskom suzbijanju patogenih mikroorganizama, štetnih člankonožaca / arthropoda i štetnih glodavaca mjerama dezinfekcije, dezinfekcije, deratizacije javnih površina, objekata i poslovnih prostora u vlasništvu opštine, korita rijeka i potoka i gdje god je to potrebno postavljanje repelenta.

U vrijeme koronavirusa važna preventivna mjera zaštita stanovništva koja se mora sprovesti radi suzbijanja pojave i širenja zaraznih bolesti koje prenose glodavci i insekti.

Na području naše općine se nalazi gradska deponija „ Smiljevići“, veći broj divljih deponija smeća na javnim površinama, kako u dvorištima napuštenih ruševnih i poluruševnih objekata tako i u samim objektima.

U više navrata sam tražila trajno uklanjanje divljih deponija smeća. Napominjemo da je RJ za epidemiologiju JU Zavoda za javno zdravstvo Kantona Sarajevo br.05.16-4266-1/7, nakon višednevnog epidemiološkog izviđanja, zaključila da je ulica Branislava Nušića najzapuštenija ulica Novog Grada, a u istoj se nalazi osnovna škola „ Aleksa Šantić“ koja ima najveći broj učenika, predložila set mjera po kojima do sada gotovo ništa nije urađeno.

Svi preparati koji se koriste za proces dezinfekcije, dezinfekcija i deratizacija moraju biti odobreni za upotrebu po strogim ekološkim standardima Evropske unije i zadovoljavati HACCP standarde.

3. INICIJATIVE U MJESNOJ ZAJEDNICI SARAJ POLJE

Obrazloženje prijedloga inicijative: Između ulica Adija Mulabegovića i Ramiza Salčina u mjesnoj zajednici Saraj Polje:

- zatvoriti nepokriven šaht na trotoaru koji je već duže vremena bez poklopca i ikakvog upozorenja na opasnost, neoprezni šetači bi lako mogli da se povrijede, a posebno noću (slika 1. i 2.)
- asfaltirati dionicu trotoara od oko 8 metara kod koje je već duži period zbog radova skinut asfalt, a ni do danas nije vraćen u prvobitno stanje (slika 3, i 4.)

4. INICIJATIVU ZA SMANJENJE CIJENA VIJERSKIH OBREDA, OPREMANJA UMRLOG I UKOPA

Obrazloženje prijedloga inicijative: Molim nadležne da razmotre mogućnost da Pokopna društva dok traje pandemija smanje cijene vjerskih obreda, opremanja umrlog i ukopa.

Svjedoci smo da su u toku pandemije mnogi naši sugrađani ostali bez posla. Od korone virusa oboljevaju cijele porodice, nažalost imamo puno smrtnih ishoda. Porodice pored tuge i već napravljenih troškova lijekova izlažu se visokim troškovima ukopa svojih najmilijih

5. INICIJATIVA U ULICI ALEJA BOSNE SREBRENE

Obrazloženje prijedloga inicijative: U ulici Aleja Bosne Srebrene :

- zatvoriti udarnu rupu na trotoaru kod samouslužne praonice, koja već duže vrijeme predstavlja opasnost za prolaznike, posebno noću zbog loše rasvjete (slika 1. i 2.)
- ponovo iscrtati pješački prijelaz zebre, gotovo da su izbrisane. Ugrožavaju sigurnost pješaka jer ih vozači ne vide, na spoju Bugarske ulice i ulice Aleja Bosne Srebrene kod Spomenika prijateljstva BiH i Republike Bugarske (slika 3. Vozač kada se približava obilježenom pješačkom prijelazu, dužan je kretati se sigurnosnom brzinom tako da ne ugrožava pješake, odnosno tako da može zaustaviti vozilo da bi propustio pješake koji su već stupili na pješački prijelaz što sada nije slučaj.

-vijećnik Mirza Memišević-

da se započne sa obilježavanjem dijela ratnih linija kao potencijalne turističke atrakcije ali I kao doprinos kulturi sjećanja. Obilježavanje snajperskih gnijezda poput onog koje se vidi nedavno

objavljenom snimku francuskog novinara ili tranšea, bunkera i sl. Lokacija doprinijeće kulturi sjećanja ali će zasigurno izazvati i pažnju turista, kako domaćih tako i stranih. Inicijativa se ne odnosi na sva mjesta koja su bila poprište ratnih sukoba nego samo na najznačajnija s aspekta važnosti u ratu ili pojedinih ratnih dešavanja, kao i ona koja imaju potencijal da privuku turiste i te da upotpune sliku o ratnim dešavanjima u Novom Gradu. Najbolji primjer koji može poslužiti kao uporište za ovu inicijativu je tunel ispod piste koji sada prava turistička atrakcija. Izdvajanje nekoliko lokacija na brdu Žuč, brdu Mojnilo, Dobrinji, Stupu, Sokolju i drugim lokalitetima može pomoći zadržavanju turista u Sarajevu, posebno u Novom Gradu. Obilazak nekoliko lokacija koje bi trebalo adekvatno pripremiti potrajao bi u zavisnosti od želja turista ali bi ponudu trebalo obogatiti tako da turisti budu zadržani što duže u našoj Općini. Ova inicijativa svakako ima potencijal širenja jer ratna dejstva nisu bila samo u Općini Novi Grad Sarajevo nego u svim općinama Kantona Sarajevo.

-vijećnik Alem Logo-

Inicijativa - Zabrana rada kladionica u radijusu 1000m od školskih, vjerskih, kulturnih i sportskih objekata na području opštine Novi Grad Sarajevo

Pokrećem inicijativu prema nadležnim službama opštine Novi Grad Sarajevo s ciljem restrikcija (zabrane rada) kladionica na udaljenosti bližoj od 1000m od školskih, vjerskih, kulturnih i sportskih objekata na području opštine Novi Grad Sarajevo.

Obrazloženje :Obzirom na činjenicu da su kladionice, kao i ostali vidovi klađenja jedan od najvećih poroka današnjice, koji za rezultat imaju degradaciju našeg društva u cjelini, sa posebnim akcentom na porodicu kao osnovnu ćeliju jednog društva. Nažalost, građani BiH u toku jedne godine na kladioničarske usluge potroše više od 1,7 Milijardi BAM, što je izuzetno poražavajuće, kao i podatak da je BiH prva zemlja u svijetu po broju kladionica per capita. Ponukan brojnim zahtjevima naših građana, neophodno je da promptno djelujemo kako bi usvojili i sproveli navedene restrikcije. Zapadnoevropske zemlje ovu problematiku su riješili na način da su na periferijama gradova oformili "Bet zone", odnosno, kladioničarske distrikte, i na taj način u velikoj mjeri zaštitili svoje društvo. Dakle, zahtjevam od nadležnih službi da nam do slijedeće sjednice OV dostave inicijalne podatke vezane za rad kladionica na području opštine Novi Grad Sarajevo:

1. Broj kladioničarskih subjekata na području Novog Grada,
2. Trenutna udaljenost istih od školskih, vjerskih, kulturnih I sportskih objekata.

2. Inicijativa – Parking mjesta za hitne intervencije na području opštine Novi Grad Sarajevo

Pokrećem inicijativu prema nadležnim službama opštine Novi Grad Sarajevo, kao i Ministarstvu Saobraćaja KS s ciljem obezbjeđivanja 1 parking mjesta za hitne intervencije u svakom naselju na području opštine Novi Grad Sarajevo (akcentat je na područjima velike koncentracije etažnih vlasnika). Plan je da navedeno parking mjesto u hitnim intervencijama koristite Hitna služba, Policija, Vatrogasci, Agencije za zastitu lica i imovine. Navedena parking mjesta bi uvijek, van intervencije bila slobodna, sa posebnom bojom obojena i saobraćajnim znakom obilježena.

Obrazloženje :Vodjen idejom da nas glavni grad Sarajevo mora ići u korak sa evropskim i svjetskim metropolama, navedena inicijativa prije svega ima svoje uporište sa aspekta bezbjednosti i sigurnosti naših građana, jer zaista nekada sekunde odlučuju o životima. U koordinaciji sa resornim Ministarstvom Saobraćaja kantona kao i sa našim opštinskim službama potrebno je napraviti procjenu i detektovanje optimalnog parking mjesta u svakom naselju. Također, jako bitna stvar je da se navedena parking mjesta geo-lociraju u svim navigacijskim mapama kako bi cijeli proces bio profesionalno urađen i u skladu sa propisima.

-vijećnica Nejra Džanko-

1. Pokrećem inicijativu za postavljanje bankine na spoju ulica Safeta Zajke i Senada Čolića u mjesnoj zajednici Naselje heroja Sokolje. Zbog nedovoljne preglednosti, kako bi se vozač mogao uključiti u saobraćaj i parkiranja vozila na ulicu Safeta Zajke kod Ugostiteljskog objekta "Geri" koja utiču na lošu preglednost na uključivanje iz ulice Senada Čolića na ulicu Safeta Zajke potrebno je postaviti bankinu.

2. S obzirom da je u programu Rekonstrukcija, održavanje, popravak ulica, lokalnih puteva, trgova, parkinga i mostova na području Općine Novi Grad Sarajevo za 2021. godinu, planirana izgradnja pješačke staze prema osnovnoj školi "Aneks" od ulice Vrbovska čikma broj 27, podnosim inicijativu da se prilikom realizacije ovog projekta postave rasvjetna tijela i rukohvati. Kada se uradi pješačka staza sa rasvjetnim tijelima i rukohvatima, bit će to bezbjedan put za đake, koji neće morati ići u školu glavnom saobraćajnicom.

3. Podnosim inicijativu za sanacijom kanalizacione mreže na adresi Adema Buće broj 274 kod stepeništa koje je skraćeni put iz ulice Adema Buće u ulicu Sulje Jahića, a kanalizacija izlazi na glavnu cestu.

4. Osnovnu školu "Aleksa Šantić" pohađa nekoliko učenika koji imaju poteškoće s oštećenim sluhom. Ovi učenici nisu u mogućnosti u potpunosti pratiti nastavni proces, pa i onda kada imaju ličnog asistenta.

Podnosim inicijativu prema resornoj službi za nabavkom FM transmitera, kako bi učenicima sa ovim poteškoćama bio omogućen što kvalitetniji pristup nastavnom procesu. Obrazloženje: FM transponder je uređaj koji se savršeno podudara sa gotovo svakim slušnim aparatom što omogućava aktivno učešće u modernoj učionici. Korištenjem ovog uređaja svako dijete može čuti ne samo učitelja, već i školske kolege i multimedijalne uređaje u učionici. Učenički mikrofon koji se može prenijeti s jednog učenika na drugog, omogućava djetetu sa oštećenjem sluha da čuje ne samo nastavnike već i komentare školskog druga. Može se povezati s bilo kojim multimedijalnim uređajem koji se koristi u učionici ili ga koristi kao samostalni medijski predajnik. FM pruža poboljšanu jasnoću slušanja za osobe s oštećenim sluhom koje imaju problema s razumijevanjem govora zbog udaljenosti, odjeka i zbunjujuće pozadinske buke. FM transponder ima za cilj smanjiti zbunjujući pozadinski šum, smanjiti izobličenje zvuka, smanjiti umor zbog slušanja, poboljšati jasnoću i razumjevanje glasova, poboljšati slušanje na udaljenosti od zvučnika.

-vijećnica Merjem Ridžal-

INICIJATIVU Za sanaciju dijela pješačke staze i stepeništa kao i rješavanja ulične rasvete na prilazu Bosanskoj džamiji.

Obrazloženje: Dana 24.02. 2021. Mjesne zajednice "Alipašino Polje C1 i C2" su podnijele zahtjev pod brojem 02/13-05-46/21 za finansiranje, odnosno rješavanje potreba građana. Ovom inicijativom posebno ističemo neke od navedenih potreba, a to su:

1. Završiti rekonstrukciju Trga nezavisnosti(sanacija betonskih ploča na cijelom trgu)
2. Dovršiti postavljanje žardinjera od Škole do Bosanske džamije
3. Asvaltiranje trotoara na potezu od Bosanske br 7 do 16, ispred ulaza
4. Sanacija udarnih rupa kolovoza i trotoara na području MZ
5. Izgradnja novog stepeništa sa rukohvatima na potezu od Trga nezavisnosti prema Bosanskoj džamiji.
6. Postaviti nove stubove rasvjete i led rasvjetu u ulici Safeta Hadžića br 114

-vijećnica Elza Gaković-

1. Podnosim vijećniku inicijativu za postavljanje usporivača saobraćaja u ulici Samira Radovca.

Zahtjev je upućen od strane građana navedene ulice zbog velikog broja djece koja žive u ulici i eventualne opasnosti koju izaziva neprilagođena brzina vožnje.

2. Pokrećem inicijativu prema nadležnim ministarstvima KS za nastavak regulacije potoka Lepenica do ulaza u deponiju Smiljevići.

Zbog opasnosti koju ovaj potok već godinama izaziva po građane MZ Zabrdje tražim od nadležnog ministarstva da izdvoji sredstva u iznosu od 1 000 000.00 KM za rješavanje ovog dugogodišnjeg problema.

Potok Lepenica u svom ne ucijevljenom dijelu izaziva ogromne opasnosti po zdravlje stanovnika MZ Zabrdje.

Takođe tražim hitno stavljanje u pogon prečistača procjednih voda iz trupa deponije Smiljevići.

3. Pokrećem inicijativu za sanaciju stepeništa između ulice Senada Čolića i Ibrahima Perviza.

-vijećnik Adis Pljevljak-

1. Postovani, molimo za informaciju I provjeru razloga zbog kojih Centar za kulturu općine Novi Grad nije u funkciji iako je normalizovan rad skola, sto je, kako je nama ranije receno, bio uslov za otvaranje Centra

Aktivnosti koje sprovodi Centar su veoma znacajne za djecu nase općine I predstavljaju veoma dragocjen i koristan nacin da djeca provedu svoje slobodno vrijeme i nauce puno toga, posebno imajući u vidu tesku prethodnu godinu pandemije

Stoga bismo zamolili da se uvazavajući epidemioloske mjere opet pokrenu aktivnosti koje Centar provodi za djecu skolskog uzrasta

2. Postovani, svjedoci smo zapustenosti i neadekvatnog održavanja Parka prijateljstva, koji kao sto znamo predstavlja znacajno mjesto okupljanja, igre i druženja djece ovog područja. Park je izgradjen uz velikodusnu donaciju Azerbejdzana, a najmanje sto nasa opština moze i mora uraditi je osigurati kontinuirano održavanje parka, mobilijara i staza. Sramotno je vidjeti kako park danas izgleda, zapusteno, prljavo, sa neispravnim i opasnim mobilijarima. Trazimo da općina Novi Grad preuzme brigu i održavanje parka kao svoju redovnu aktivnost

3. Da se postave otpadne kante oko tužilaštva, nema ih od Otoke do Aneksa i ispod do Švrakina

-vijećnica Edina Gabela-

1.Kad se planira nastavak utopljanja zgrada kolektivnog stanovanja na području Općine Novi Grad Sarajevo.

2.Obzirom da je u budžetu Općine Novi Grad Sarajevo predviđena sredstva za rekonstrukciju liftova, na koji način će biti realizovan navedeni projekat i kad.

-vijećnica Ajša Saračević-

1.Upućujem pitanje u vezi radnog vremena Veterinarske stanice Novi Grad Sarajevo, jer se građani MZ „Reljevo“ žale da se niko ne javlja na brojeve telefona u Veterinarskoj stanici.

2.Pokrećem inicijativu da se postave ležeći policajci u naselju Rječica kod broja 96 i kod broja 100, jer je tu autobuska stanica, te su građani ugroženi radi brze vožnje.

-vijećnik Jasmin Smječanin-

1. Pokrećem inicijativu za izmještanje spomen ploče poginulim borcima Braći Kadić sa pumpe u Brijesću na lokaciju u sklopu ili kod novoizgrađene dvorane OŠ „Umihava Čuvidina“, da se uradi idejno rješenje i projekat spomen obilježja.

2. Tražim da mi se dostavi informacija o izgradnji tramvajske stanice na Otoci, roku izvođenja radova, izvođaču, te kad je planiran završetak radova, te kad će se druga stajališta na području Općine Novi Grad Sarajevo početi rekonstruisati.

-vijećnik Hadžan Konjo-

Pokrećem inicijativu da se donese Odluka o deficitarnim zanimanjima na području Općine Novi Grad sarajevo, te da se uradi promjena Pravilnika o stipendiranju učenika i studenata gdje će dio sredstava se odvojiti za najbolje studente i učenike bez obzira na materijalni status roditelja.

SEKRETAR
OPĆINSKOG VIJEĆA

Elvir Kosovac, dipl. pravnik

DOSTAVITI:

1. Naslovu
2. Predsjedavajući Općinskog vijeća
3. a/a